

U B423 AAB  
MCA - MAHATHIR R R R

KUALA LUMPUR, 29 NOV (BERNAMA) -- PERDANA MENTERI, DATUK SERI DR MAHATHIR MOHAMAD MENYIFATKAN PERLETAKAN JAWATAN BERSYARAT LAPAN ANGGOTA DEWAN UNDANGAN NEGERI SELANGOR 15 DIS INI SEBAGAI SATU UGUTAN TERHADAP KERAJAAN DAN BERTENTANGAN DENGAN SEMANGAT KERJASAMA BARISAN NASIONAL.

PERDANA MENTERI HARI INI BERKATA, BELIAU SEBELUM INI MENJANGKAKAN MASALAH ITU BOLEH DISELESAIKAN DALAM SEMANGAT BARISAN NASIONAL TETAPI NAMPAKNYA FORMULA PENYELESAIAN BERKENAAN TIDAK BERHASIL.

KETIKA BERCAKAP KEPADA PEMBERITA DI BANGUNAN PARLIMEN DI SINI, DATUK SERI DR MAHATHIR BERKATA, FORMULA PENYELESAIAN YANG DIJANGKAKAN DAPAT DITERIMA OLEH SEMUA PIHAK TIDAK ADA KAITAN LAGI DENGAN KEPUTUSAN MEREKA.

DR MAHATHIR YANG BERKATA BELIAU TERKEJUT DENGAN BERITA ITU MENEGASKAN, KATA DUA YANG DIBERI OLEH MEREKA ADALAH SATU UGUTAN TERHADAP KERAJAAN DAN BUKAN SATU CARA MENYELESAIKAN MASALAH ITU.

KELAPAN-LAPAN ANGGOTA DEWAN UNDANGAN NEGERI ITU MEMBERI KATA DUA AKAN MELETAK JAWATAN PADA 15 DIS INI SEKIRANYA SEKSYEN 67 DAN 70 ENAKMEN PENTADBIRAN PERUNDANGAN ISLAM SELANGOR 1989 YANG DILULUSKAN JULAI LEPAS TIDAK DIPINDA PADA PERSIDANGAN DEWAN UNDANGAN NEGERI YANG AKAN DATANG. -- LAGI  
2013MST 29 11 89

D386

U B424 AAB  
MCA - MAHATHIR 2 KUALA LUMPUR R R R

PERDANA MENTERI BERKATA, DENGAN MEMBERI KATA DUA SEPERTI ITU, IA MERUPAKAN SATU UGUTAN.

+KITA BOLEH MEMBUAT TUNTUTAN TETAPI TIDAK BOLEH MENGUGUT SEPERTI ITU,+ KATANYA.

MENURUTNYA, BELIAU DIBERITAHU MENGENAI BERITA PERLETAKAN JAWATAN ITU OLEH PUCUK PIMPINAN MCA HARI INI.

APABILA DITANYA LANGKAH SELANJUTNYA YANG MUNGKIN DIAMBIL OLEH BARISAN NASIONAL DALAM PERKARA ITU, BELIAU BERKATA :+TIDAK ADA APA LAGI YANG BOLEH DIBUAT...KALAU MEREKA NAK LETAK JAWATAN ...BIARLAH.+

MENGENAI KEMUNGKINAN PILIHAN RAYA KECIL DEWAN UNDANGAN NEGERI DI LAPAN BUAH KAWASAN DI SELANGOR, DR MAHATHIR BERKATA: +BILA ADA KEKOSONGAN TENTULAH ADA PILIHAN RAYA.+

KELAPAN-LAPAN ANGGOTA MCA ITU IALAH -- DATUK YAP PIAN HON (SERDANG), DATUK NG THIAN HOCK (PANDAMARAN), ENCIK TANG SEE HANG (RAWANG), ENCIK TONG YOKE SENG (TELOK GADONG), ENCIK WONG AH TAIH (KUALA KUBU BAHRU), ENCIK ENG HOI CHOO (PANGLIMA GARANG), ENCIK SIM KENG SEIK (SEKINCHAN) DAN ENCIK NG SOON POR (SUNGAI PELEK) MENYERAHKAN SURAT PERLETAKAN JAWATAN MASING-MASING PADA HARI ISNIN.

-- BERNAMA  
2015MST 29 11 89